

**BOSNA I HERCEGOVINA**  
*Konkurencijsko vijeće*



**БОСНА И ХЕРЦЕГОВИНА**  
*Конкуренцијски савјет*

**RJEŠENJE**

**Prijava koncentracije privrednog subjekta RPC Packaging Holdings Limited, Velika Britanija**

**Sarajevo**  
**novembar, 2013. godine**



Broj: 02-26-1-18 - 8 - II/13  
Sarajevo, 20.11. 2013. godine

Na osnovu člana 25. stav (1) tačka e), člana 42. stav (1) tačka d), a u vezi sa članovima 12., 14., 16. i 18. Zakona o konkurenciji („Službeni glasnik BiH“, br. 48/05, 76/07 i 80/09), a rješavajući po Prijavi koncentracije privrednog subjekta RPC Packaging Holdings Limited, Sapphire House, Crown Way, Rushden, Ujedinjena Kraljevina Velike Britanije i Sjeverne Irske, podnesenoj putem opunomoćenika advokata Suada Slipčevića, Zmaja od Bosne 7-7a, 71000 Sarajevo, zaprimljenoj dana 7.8.2013. godine pod brojem: 02-26-1-18-II/13, Konkurencijsko vijeće, na 72. (sedamdesetdrugoj) sjednici održanoj dana 20.11.2013. godine, donijelo je

### **R J E Š E N J E**

1. Ocjenjuje se dopuštenom koncentracija na tržištu proizvodnje i prodaje rigidne plastične ambalaže na teritoriji Bosne i Hercegovine koja će nastati sticanjem kontrole privrednog subjekta RPC Packaging Holdings Limited, Sapphire House, Crown Way, Rushden, Ujedinjena Kraljevina Velike Britanije i Sjeverne Irske, nad privrednim subjektom HELIOPLAST d.o.o. za proizvodnju, trgovinu i prevoznništvo, Branilaca grada bb, 75320 Gračanica kupovinom (..)\*<sup>1</sup>% vlasničkih udjela.
2. Ovo Rješenje o koncentraciji se upisuje u Registar koncentracija.
3. Ovo Rješenje je konačno i bit će objavljeno u „Službenom glasniku BiH“, službenim glasilima entiteta i Brčko Distrikta Bosne i Hercegovine.

### **Obrazloženje**

Konkurencijsko vijeće Bosne i Hercegovine (u daljem tekstu: Konkurencijsko vijeće) je dana 7.8.2013. godine pod brojem: 02-26-1-18-II/13, od strane privrednog subjekta RPC Packaging Holdings Limited, Sapphire House, Crown Way, Rushden, Ujedinjena Kraljevina Velike Britanije i Sjeverne Irske (u daljem tekstu: RPC ili Podnosilac prijave), putem opunomoćenika advokata Suada Slipčevića, Zmaja od Bosne 7-7a, 71000 Sarajevo, zaprimilo Prijavu koncentracije, kojom privredni subjekt RPC ima namjeru steći većinski udio u osnovnom kapitalu privrednog subjekta HELIOPLAST d.o.o. za proizvodnju, trgovinu i prevoznništvo, Branilaca grada bb, 75320 Gračanica (u daljem tekstu: HELIOPLAST).

Podnosilac prijave je predmetnu Prijavu dopunio podneskom broj: 02-26-1-18-1-II/13 od dana 21.8.2013. godine i podneskom broj: 02-26-1-18-3-II/13 od dana 23.9.2013. godine.

Po prijemu dokumentacije Konkurencijsko vijeće je utvrdilo Prijavu kompletnom i izdalo Potvrdu o prijemu kompletne i uredne Prijave, u skladu sa članom 30. stav (3) Zakona o konkurenciji (u daljem tekstu: Zakon), dana 21.10.2013. godine, pod brojem: 02-26-1-18-4-II/13.

---

<sup>1</sup> (..)\* - Podaci predstavljaju poslovnu tajnu

Podnosilac prijave je u skladu s članom 30. stav (2) Zakona u istoj naveo da Prijavu nije podnio niti ima namjeru podnijeti ovlaštenim tijelima za ocjenu koncentracije izvan teritorije Bosne i Hercegovine.

Konkurencijsko vijeće u postupku ocjene dopuštenosti predmetne koncentracije je utvrdilo slijedeće činjenice:

Prijava je podnesena u smislu člana 16. stav (2) Zakona (pravni osnov: Pismo namjere).

## **1. Učesnici koncentracije**

Učesnici koncentracije su privredni subjekti RPC Packaging Holdings Limited, Sapphire House, Crown Way, Rushden, Ujedinjena Kraljevina Velike Britanije i Sjeverne Irske i HELIOPLAST d.o.o. za proizvodnju, trgovinu i prevoznitvo, Branilaca grada bb, 75320 Gračanica, Bosna i Hercegovina.

### **1.1. Privredni subjekt RPC**

Privredni subjekt RPC Packaging Holdings Limited, Sapphire House, Crown Way, Rushden, Ujedinjena Kraljevina Velike Britanije i Sjeverne Irske upisan je kao Privatno društvo sa ograničenom odgovornošću dana 26.11.1996. godine, pod brojem: 03284112.

Privredni subjekt RPC se primarno bavi djelatnošću proizvodnje i distribucije plastične ambalaže i ujedno pripada jednoj od globalno vodećih grupacija u navedenoj djelatnosti.

Prema podacima iz Prijave privredni subjekt RPC nema povezanih društava u Bosni i Hercegovini i podacima dostavljenim od strane Uprave za indirektno oporezivanje ne ostvaruje prihod u Bosni i Hercegovini.

### **1.2. Privredni subjekt HELIOPLAST**

Privredni subjekt HELIOPLAST d.o.o. za proizvodnju, trgovinu i prevoznitvo, Branilaca grada bb, 75320 Gračanica, Bosna i Hercegovina upisan je u registar privrednih subjekata Općinskog suda u Tuzli pod brojem 1-12707, sa osnovnim kapitalom od (..)\*<sup>2</sup> KM i u 100,0% je vlasništvu fizičkih lica: Helić Fadije (..)\* uplaćenog kapitala u vrijednosti od (..)\*%, Helić Mirsada (..)\* uplaćenog kapitala u vrijednosti od (..)\*% i Helić Suada (..)\* uplaćenog kapitala u vrijednosti od (..)\*%.

Pretežne registrovane djelatnosti privrednog subjekta HELIOPLAST su proizvodnja ambalaže od plastičnih masa za prehrambene i neprehrambene proizvode.

#### **1.2.1. Povezana društva privrednog subjekta HELIOPLAST**

##### **1.2.1.1. Privredni subjekt Plastoflex**

Privredni subjekt HELIOPLAST je 100,0% vlasnik udjela u privrednom subjektu Plastoflex d.o.o. koje je osnovano dana 3.1.2013. godine sa namjerom preuzimanja segmenta poslovanja HELIOPLASTA vezano za proizvodnju komponenti za sastavljanje kreveta. Po izdvajanju proizvodnje komponenti iz HELIOPLASTA u poslovanje privrednog subjekta Plastoflex d.o.o., privredni subjekt HELIOPLAST je dana 1.2.2013. godine prodao svoj kompletan 100,0%-ni udio u privrednom subjektu Plastoflex fizičkim licima i to: Suadu Heliću (..)\* udio od (..)\*%, Mirsadu Heliću (..)\* udio od (..)\*% i Fadiji Helić (..)\* udio od (..)\*%.

---

<sup>2</sup> (..)\* - Podaci predstavljaju poslovnu tajnu

Fizička lica Suad i Mirsad Helić posjeduju svaki po (..)\*<sup>3</sup>% udjela u društvu Trgoplasttrans d.o.o. Gračanica čija je osnovna djelatnost pružanje transportnih usluga.

## **2. Pravni osnov i pravni oblik koncentracije**

Kao pravni osnov ove koncentracije Podnosilac prijave je dostavio „Pismo namjere“ potpisano dana 7.8.2013. godine od strane privrednog subjekta RPC u Sarajevu kao kupca i sticatelja (..)\*% udjela u osnovnom kapitalu privrednog subjekta HELIOPLAST putem opunomoćenika advokata Suada Slipčevića, a od strane privrednog subjekta HELIOPLAST kao prodavca u Gračanici dana 7.8.2013. godine.

Pismom namjere definisana je planirana koncentracija kojom će privredni subjekt RPC steći ukupno (..)\*% udjela u osnovnom kapitalu privrednog subjekta HELIOPLAST, koji odgovara nominalnoj vrijednosti od (..)\* KM a koji se sastoji od sljedećih udjela:

1. Suad Helić će prenjeti na RPC (..)\*% udjela u osnovnom kapitalu koji odgovara nominalnoj vrijednosti uloga od (..)\* KM;
2. Mirsad Helić će prenjeti na RPC (..)\*% udjela u osnovnom kapitalu koji odgovara nominalnoj vrijednosti uloga od (..)\* KM;
3. Fadija Helić će prenjeti na RPC (..)\*% udjela u osnovnom kapitalu koji odgovara nominalnoj vrijednosti uloga od (..)\* KM.

Nadalje, ugovor o prenosu koji će biti zaključen između privrednih subjekta RPC i HELIOPLAST će sadržavati opciju za prodaju preostalih (..)\*% udjela privrednog subjekta HELIOPLAST. Ova opcija bi trebala stupiti na snagu u periodu od 1.3.2016. godine do 15.3.2016. godine.

Ugovor o prenosu udjela će sadržavati odredbu kojom se definira da je odobrenje ove transakcije od strane Konkurencijskog vijeća prethodni uslov za prenos vlasništva od (..)\*% udjela u privrednom subjektu HELIOPLAST od strane Prodavaca RPC-u.

U skladu sa naprijed navedenim, a na osnovu člana 12. stav (1) tačka b) pod 1. Zakona o konkurenciji, pravni oblik koncentracije je sticanje kontrole jednog privrednog subjekta nad drugim u skladu sa odredbama Zakona o konkurenciji.

## **3. Pravni okvir ocjene koncentracije /transakcije**

Konkurencijsko vijeće je u postupku ocjene koncentracije primijenilo odredbe Zakona, Odluke o utvrđivanju relevantnog tržišta («Službeni glasnik BiH», br. 18/06 i 34/10), te Odluke o načinu podnošenja prijave i kriterija za ocjenu koncentracija privrednih subjekta.

Konkurencijsko vijeće je, na osnovu člana 43. stav (7) Zakona, koristilo sudsku praksu Evropskog suda i odluke Evropske komisije, kao i kriterije i standarde iz Obavijesti Evropske Komisije o izračunu ukupnog prihoda u skladu s Uredbom Vijeća (EEZ) broj: 4064/89 o kontroli koncentracije privrednih subjekta.

## **4. Obaveza prijave koncentracije**

Obaveza prijave koncentracije privrednih subjekta, u smislu člana 14. stav (1) tačke a) i b) Zakona, postoji ako ukupni godišnji prihodi učesnika koncentracije ostvareni prodajom roba i/ili usluga na svjetskom tržištu iznose 100.000.000,00 KM, po završnom računu u godini koja je prethodila predmetnoj koncentraciji, i da ukupan prihod svakog od najmanje dva privredna subjekta učesnika koncentracije ostvaren prodajom roba i/ili usluga na tržištu Bosne i Hercegovine iznosi najmanje

---

<sup>3</sup> (..)\* - Podaci predstavljaju poslovnu tajnu

8.000.000,00 KM, ili ako je zajednički tržišni udio učesnika koncentracije na relevantnom tržištu veći od 40,0%.

Ukupni ostvareni godišnji prihodi privrednih subjekta učesnika predmetne koncentracije na dan 31.12.2012. godine iznosili su:

Tabela 1.

Ukupni prihod (KM)	HELIOPLAST	RPC
<b>Bosna i Hercegovina</b>	(..)* <sup>4</sup>	-
<b>Svijet</b>	(..)**	(..)*

Izvor: podaci iz Prijave; (..)\*\*- ukupni godišnji prihod uključujući domaće tržište

Prema navedenim podacima (Tabela 1.) privredni subjekti ne ispunjavaju uslove ukupnog godišnjeg prihoda iz člana 14. stav (1) tačka b) Zakona, ali podaci iz Tabele 2. pokazuju da učesnici koncentracije ispunjavaju uslov o zajedničkom tržišnom udjelu (zajednički udio na relevantnom tržištu veći od 40,0%) propisan članom 14. stav (1) tačka b) Zakona o konkurenciji.

## 5. Relevantno tržište koncentracije

Relevantno tržište koncentracije, u smislu člana 3. Zakona, te čl. 4. i 5. Odluke o utvrđivanju relevantnog tržišta, čini tržište određenih proizvoda/usluga koje su predmet obavljanja djelatnosti na određenom geografskom tržištu.

Prema odredbi člana 4. Odluke o utvrđivanju relevantnog tržišta u proizvodnom smislu, relevantno tržište obuhvata sve proizvode i/ili usluge koje potrošači i/ili korisnici smatraju međusobno zamjenjivim, pod prihvatljivim uslovima, imajući u vidu posebno njihove bitne karakteristike, kvalitet, uobičajenu namjenu, način upotrebe, uslove prodaje i cijene.

Prema članu 5. Odluke o utvrđivanju relevantnog tržišta, relevantno tržište u geografskom smislu obuhvata cjelokupnu ili dio teritorije Bosne i Hercegovine na kojem privredni subjekt djeluje u prodaji i/ili kupovini relevantnog proizvoda pod jednakim ili dovoljno ujednačenim uslovima i koji to tržište bitno razlikuje od uslova tržišne konkurencije na susjednim geografskim tržištima.

Uzimajući u obzir pretežne registrovane djelatnosti učesnika koncentracije, relevantno tržište proizvoda i/ili usluga u konkretnom slučaju je tržište proizvodnje i prodaje ambalaža od plastičnih masa.

Tržište proizvoda na kojem djeluje privredni subjekt HELIOPLAST se može dalje suziti na tržište ambalaže od rigidne plastike za prehrambene i neprehrambene proizvode, proizvedene metodom termoformiranja plastičnih masa ili ubrizgavanjem plastičnih masa, a koje se tipično sastoje od kadica za mliječne proizvode sa poklopcem, kadica za druge prehrambene proizvode, kantica za boje, kantica za građevinski materijal i slično.

Slijedom navedenog, pod relevantnim tržištem predmetne koncentracije smatrat će se tržište proizvodnje i prodaje rigidne plastične ambalaže na teritoriji Bosne i Hercegovine.

### 5.1. Analiza tržišta koncentracije

Obzirom da ne postoje zvanični podaci o tržišnim udjelima, odnosno podaci o uvozu i proizvodima koji bi se u smislu Odluke o utvrđivanju relevantnog tržišta mogli smatrati kao zamjenski proizvodi, Podnosilac prijave dostavio je grubu procjenu tržišnog učešća (tabela 2.) temeljenu isključivo na dugogodišnjem iskustvu uprave privrednog subjekta HELIOPLAST.

<sup>4</sup> (..)\* - Podaci predstavljaju poslovnu tajnu

Tabela 2.

Redni broj	Privredni subjekt	Ukupna prodaja na tržištu plastične ambalaže u BiH u 2012.god (u milionima KM)	Procjena ukupne prodaje na tržištu rigidne plastične ambalaže u BiH u 2012.god (u milionima KM)	Procjena udjela na tržištu rigidne plastične ambalaže u BiH u 2012.god (u %)
1.	<b>HELIOPLAST</b>	(..)* <sup>5</sup>	(..)*	(..)*
2.	Bosnaplast d.d. Bosanski Petrovac	(..)*	(..)*	(..)*
3.	Proven d.o.o. Sarajevo	(..)*	(..)*	(..)*
4.	Pro-plastik d.o.o. Čitluk	(..)*	(..)*	(..)*
5.	<b>Ukupna prodaja</b>	<b>17,1</b>	<b>9,2</b>	<b>100,00</b>
6.	Uvoz	15,8	0	0
7.	Ukupan promet na tržištu	32,9	9,2	-

Izvor: Podaci iz Prijave (procjena učesnika koncentracije)

Na osnovu analize podataka, utvrđeno je da privredni subjekt HELIOPLAST na tržištu proizvodnje i prodaje rigidne plastične ambalaže na teritoriji Bosne i Hercegovine ima udio od (..)\*% (Tabela 2.) dok privredni subjekt RPC ne ostvaruje prihod na tržištu Bosne i Hercegovine.

## 6. Ocjena koncentracije

Konkurencijsko vijeće je, nakon procjene i analize podataka i utvrđenih činjenica u postupku donošenja predmetnog Rješenja ocijenilo da provedba predmetne koncentracije ne vodi horizontalnom preklapanju učesnika koncentracije s obzirom da privredni subjekt RPC ne djeluje na tržištu Bosne i Hercegovine, te da će tržišni udjeli privrednog subjekta HELIOPLAST ostati nepromijenjeni, odnosno neće proizvesti promjenu tržišnih pozicija na relevantnom tržištu.

Konkurencijsko vijeće je utvrdilo također da predmetna koncentracija ne sprječava, ograničava niti narušava tržišnu konkurenciju na relevantnom tržištu proizvodnje i prodaje rigidne plastične ambalaže u Bosni i Hercegovini te je odlučilo kao u dispozitivu ovog Rješenja.

## 7. Administrativna taksa

Podnosilac Prijave na ovo Rješenje, u skladu sa članom 2. Tarifni broj 107. tačka d) Odluke o visini administrativnih taksi u vezi sa procesnim radnjama pred Konkurencijskim vijećem („Službeni glasnik BiH“, br. 30/06 i 18/11) je dužan platiti administrativnu taksu u ukupnom iznosu od 2.500,00 KM u korist Budžeta institucija Bosne i Hercegovine.

## 8. Pouka o pravnom lijeku

Protiv ovog Rješenja nije dozvoljena žalba.

Nezadovoljna strana može pokrenuti upravni spor pred sudom Bosne i Hercegovine u roku od 30 dana od dana prijema, odnosno objave ovog Rješenja.

**Predsjednik**

**Gordan Raspudić**

<sup>5</sup> (..)\* - Podaci predstavljaju poslovnu tajnu